


BANGHAY ARALIN SA ARALING PANLIPUNAN
BAITANG IV

Petsa ng Demonstrasyon ng
Pagtuturo: _____

I. LAYUNIN	
A. Pamantayang Nilalaman	Naipamamalas ang pag-unawa at pagpapahalaga sa mga sagisag ng pagka-Pilipino, karapatan, at tungkulin tungo sa pagbuo ng pagkakakilanlan at kagalingang pansibiko.
B. Pamantayan sa Pagganap	Nakapaglulunsad ng mga gawaing kumikilala at nagsusulong sa karapatan, tungkulin at pagkakakilanlang Pilipino.
C. Mga Kasanayan sa Pagkatuto	Mga Layunin: <ol style="list-style-type: none"> Natutukoy ang konsepto at prinsipyo ng pagkamamamayan; Nasusuri ang mga batayan ng pagkamamamayang Pilipino; Nasasabi kung sino ang mamamayang Pilipino.
II. NILALAMAN (Subject Matter)	"Pagkamamamayan"
III. KAGAMITANG PANTURO	
A. Sanggunian	<i>Matatag K to 10 Curriculum of the K-12 Program, Araling Panlipunan Grades 4 and 7. (2023). Department of Panlipunan. Rex Bookstore. Secretariat (DepEd-IMCS).</i>
B. Iba pang Kagamitang Panturo	PowerPoint Presentation, Worksheets, mga larawan, mind map
IV. PAMAMARAAN	GAWAIN
A. Balik-Aral sa nakaraang Aralin o pasimula sa bagong aralin (Drill/Review/Unlocking of difficulties)	<ol style="list-style-type: none"> Kamustahan Balitaan Pamantayan sa Pag-aaral <div style="text-align: center;">  <p><i>Maupo ng maayos</i></p> <p><i>Makinig ng mabuti.</i></p> <p><i>Alamin at unawain ang aralin</i></p> <p><i>Makilahok sa mga gawain.</i></p> <p><i>Magpakita ng respeto para sa isa't isa.</i></p> </div> <ol style="list-style-type: none"> <ul style="list-style-type: none"> Anu-ano ang mga sasigasag ng ating bansa base sa ating huling aralin? Ano ang mga dapat gawin upang maipakita ang respeto sa mga sagisag na ito?
B. Paghahabi sa layunin ng aralin (Motivation)	Bago natin simulan ang ating leksiyon, inyo munang tukuyin kung ano ang lahi ng mga taong nasa larawan.



(Amerikano)



(Tsino)



(Aprikano)



(Pilipino)

Alin sa mga larawang ito ang nagpapakita ng lahing Pilipino?
Ano ang pinagkaiba ng mga mamamayang Pilipino sa ibang lahi?
Ano sa tingin ninyo ang ating lahi?

Ngayon, atin namang pakinggan ang awiting ito. Pakinggan natin ito upang malaman natin ang katangian ng isang Pilipino.



<https://www.youtube.com/watch?v=t9gxNgK3TR4>

1. Ano ang nais ipahiwatig ng awiting ito?
2. Batay sa awit, ano ang katangian ng isang Pinoy o Pilipino?
3. Ikaw ba ay isang mamamayang Pilipino? Bakit?

C. Pag-uugnay ng mga halimbawa sa bagong aralin (Presentation)

Pagmasdan ang mga larawang ito. Sino-sino ang makikita ninyo?



Ano ang pagkakatatulad ng mga taong ito?
Paano sila naging mamamayang Pilipino?

D. Pagtatalakay ng bagong konsepto at paglalahad ng bagong kasanayan No. 1

Ngayon ay ating tatalakayin ang tungkol sa pagkamamamayang Pilipino.

Ano nga ba ang ibig sabihin ng pagkamamamayan?

Ang pagkamamamayan ay nangangahulugang pagiging kasapi o miyembro ng isang bansa ayon sa itinakda ng batas. Ngunit hindi lahat ng naninirahan sa isang bansa ay mamamayan nito. Halimbawa nito ay ang mga dayuhan na maaaring hindi kasapi ng isang bansa.

Dito sa ating bansa, may mga dayuhan ba kayong nakikita? Ano sa tingin ninyo ang kanilang ginagawa?

May mga dayuhang naninirahan lamang dito sa ating bansa upang mag-aral, mamasyal, o makipagkalakal ngunit hindi sila maituturing na Pilipino dahil sila ay mamamayan ng ibang bansa.

Ngayon, ating talakayin ang mga legal na batayan ng pagiging isang mamamayang Pilipino.

Ayon sa **Artikulo IV, Seksyon 1 ng Saligang Batas ng 1987**, ikaw ay isang Pilipino kung:

- Mamamayan ng Pilipinas nang pinagtibay ang Saligang Batas ng 1987 noong Pebrero 2, 1987.
- Ang ama o ina ay mamamayang Pilipino.
- Mga mamamayang isinilang bago sumapit ang Enero 17, 1973 sa mga inang Pilipino na pinili ang pagkamamamayang Pilipino pagsapit 21 taong gulang.
- Mga dayuhang nagpasyang maging mamamayang Pilipino ayon sa batas ng naturalisasyon.

Ayon naman sa **Artikulo IV, Seksyon 4 ng Saligang Batas ng 1987**:

- Ang isang mamamayan ng Pilipinas na nakapag-asawa ng isang dayuhan ay mananatiling isang Pilipino maliban lamang kung pinili niyang sundin ang pagkamamamayan ng kaniyang napangasawa.

Ayon naman sa **Republic Act No. 9225**:

- Ang mga dating mamamayang Pilipino na naging mamamayan ng ibang bansa sa pamamagitan ng naturalisasyon ay maaaring muling maging mamamayang Pilipino. Siya ay magkakaroon ng dalawang pagkamamamayan (*dual citizen*). Kailangan lamang na aplayan niya ito at patunayan sa pamamagitan ng kanyang sertipiko ng kapanganakan mula sa Philippine Statistics Authority (PSA) na ang kanyang mga magulang o isa man sa kanila ay mamamayang Pilipino saan man siya ipinanganak.

Mayroon namang dalawang uri ng Mamamayang Pilipino. Ito ay ang **kapanganakan** at **naturalisasyon**.

Ang basehan sa pagkamamayang Pilipino ayon sa **kapanganakan** ay may dalawang uri:

	<ul style="list-style-type: none"> • Jus Sanguinis – ang pagkamamamayan ayon sa pagmamamayan ng mga magulang or relasyon sa dugo. • Jus Soli – ang pagkamamamayan ayon sa lugar ng kapanganakan. <p>Ang naturalisasyon naman ay isang paraan ng pagtanggap ng bansa sa isang dayuhan upang maging isang ganap na mamamayang Pilipino sa pamamagitan ng hatol o hukuman o batas ng kongreso.</p> <ol style="list-style-type: none"> 1. Edad na 21 taong gulang sa araw ng pagdinig ng kaso. 2. Sampung taon na nakapanirahan sa Pilipinas ng tuloy-tuloy. 3. May mahusay at malinis na rekord ng pagkatao. 4. Naniniwala sa saligang batas ng bansa. 5. Nagmamay-ari ng lupain o matatag na trabaho. 6. Nakakapagsalita ng isa sa mga pangunahing wika sa bansa. 7. Nagnanais na matutuhan at tanggapin ang kulturang Pilipino. 8. Nagpapaaral ng mga anak sa paaralang itinuturo ang kasaysayan at kultura ng Pilipinas.
<p>E. Pagtatalakay ng bagong konsepto at paglalahad ng bagong kasanayan No. 2</p>	<p>Ngayon, ating tukuyin kung sino-sino ang mga mamamayang Pilipino sa mga sitwasyong ito.</p> <div data-bbox="635 958 778 1189"> </div> <div data-bbox="810 965 1015 1189"> <p>Si Arkin ay ipinanganak sa Australia. Ang kanyang ina ay isang Filipina at ang kanyang ama ay isang Australian. Si Arkin ba isang mamamayang Pilipino o hindi?</p> </div> <div data-bbox="1034 981 1273 1182"> <p>Si Ahmed, isang mamamayang Indiyano, ay pinakasalan ang isang Pilipina at nanirahan sa Pilipinas sa loob ng 15 taon. Nagpasya siyang mag-apply para sa naturalisasyon matapos matugunan ang lahat ng mga kinakailangan. Siya ba ay matuturing na Pilipino o hindi?</p> </div> <div data-bbox="1281 931 1385 1189"> </div> <div data-bbox="799 1245 1050 1480"> <p>Si Patricia ay nananatili sa Pilipinas ng halos isang taon kasama ang kanyang mga Amerikano na magulang upang malibot at makita ang kagandahan nito. Sila ba ay matuturing na Pilipino o hindi?</p> </div> <div data-bbox="1058 1234 1262 1480"> </div> <div data-bbox="611 1525 778 1794"> </div> <div data-bbox="791 1563 978 1771"> <p>Si Flor ay ipinanganak sa Pilipinas na may mga magulang na Pilipino. Siya ba ay matuturing na mamamayan ng ating bansa o hindi?</p> </div> <div data-bbox="991 1585 1225 1798"> <p>Si Lily ay isang Pilipino na naging mamamayan ng ibang bansa dahil nakapag-asawa ito ng isang dayuhan at ninais niyang sundin ang pagkamamamayan nito. Matuturing pa bang isang mamamayang Pilipino si Lily o hindi?</p> </div> <div data-bbox="1233 1541 1385 1798"> </div>
<p>F. Paglilinang sa Kabihasan (Tungo sa Formative Assessment) (Independent Practice)</p>	<p>Pangkatang Gawain</p> <p>Pangkat 1 at Pangkat 3: “Sino Ako? Pagkilala sa Mamamayang Pilipino!”</p>













Panuto: Basahin nang maigi ang mga sitwasyon at tukuyin kung ano ang tamang batayan ng pagkamamamayang Pilipino sa bawat kaso upang maging isang ganap na mamamayan ng Pilipinas.

Si Angela ay ipinanganak sa Germany sa isang amang Pilipino at inang Aleman. Siya ay nairehistro agad sa Embahada ng Pilipinas pagkatapos ng kanyang kapanganakan.	Si Leo ay ipinanganak sa Maynila sa mga magulang na taga-South Korea na nasa 5-taong kontrata sa Pilipinas.	Isang babaeng Tsino, si Ginang Chen, na nanirahan sa Pilipinas sa loob ng 20 taon, marunong magsalita ng Filipino, at aktibong nakikilahok sa komunidad, ay nag-aaplay para sa naturalisasyon.
Si Samantha ay ipinanganak sa Canada sa isang amang Pilipino at inang Canadian. Gayunpaman, ang kanyang kapanganakan ay hindi nairehistro sa Konsulado ng Pilipinas hanggang siya ay 10 taong gulang.	Isang sanggol ang ipinanganak sa barko habang dumaraan sa karagatan ng Pilipinas sa mga magulang na hindi Pilipino.	Si Ginoo Lee, isang negosyanteng Hapones, ay nanirahan sa Pilipinas sa loob ng 12 taon, may sariling bahay, at may malinis na rekord. Nag-aaplay siya para sa naturalisasyon upang maging mamamayang Pilipino.
Si James ay ipinanganak sa Singapore sa isang amang Pilipino at inang Briton, ngunit lumaki siya sa Pilipinas.	Si Joshua ay ipinanganak sa Pilipinas sa mga magulang na Tsino na panasamantalang nagtatrabaho sa Maynila.	Si Ginoo Singh, isang Indian national, ay ikinasal sa isang Pilipina at naninirahan sa Pilipinas sa loob ng 15 taon. Nagpasya siyang mag-aaplay para sa naturalisasyon matapos matugunan ang lahat ng kinakailangan.

JUS SANGUINIS	JUS SOLI	NATURALISASYON

Pangkat 2 at Pangkat 4: "Sino ang Pilipino? Ilagay sa Tamang Lugar!"


Panuto: Tukuyin kung sino sa mga larawan o sitwasyon ang tunay na mamamayang Pilipino at idikit ito sa loob ng mapa. Ang larawan o sitwasyon naman na nagpapakita ng hindi pagkamamamayang Pilipino ay idikit sa labas ng mapa.

 Si Roy ay ipinanganak sa Pilipinas sa mga magulang na Pilipino	 Sina Ann at Troy ay mga Espanyol na namamasyal sa Pilipinas	 Si Peter ay isang Amerikano na naninirahan sa Pilipinas para magtayo ng negosyo.	 Si Miguel ay ipinanganak sa Pilipinas na may amang Pilipino at inang Amerikana.
 Si Aling Rosa ay nanatili sa pagiging Pilipino kahit nag-asawa siya ng isang Japanese.	 Si Lucas ay isang dayuhang estudyante na nag-aaral sa isang unibersidad sa Maynila.	 Si Maria ay ipinanganak sa Canada sa mga magulang na parehong Pilipino.	 Si Mr. Lee ay isang Korean na nanirahan sa Pilipinas sa loob ng 10 taon at nag-aaplay para sa naturalisasyon.
 Si Ahmed ay isang Arabo na nagtatrabaho bilang engineer sa isang kompanya sa Cebu.	 Si Mei Ling ay isang Chinese na nagtuturo sa isang international school sa Manila.	 Si Juan ay nag-aaplay ng dual citizenship matapos maging mamamayan ng Australia.	 Si Elena ay isang Russian na nagpakasal sa isang Pilipino ngunit hindi pinili ang pagkamamamayang Pilipino.



Pangkat 5: Mind Map – “Mga Batayan ng Pagiging Mamamayang Pilipino”

Panuto: Punan ang *mind map* ng mga batayang ng pagiging mamamayang Pilipino



G. Paglalapat ng aralin sa pang araw-araw na buhay (Application/Valuing)

Bakit mahalaga ang pagiging tunay o lehitimong mamamayan ng isang bansa?

Ano ang magiging epekto sa isang bansa kung ang mga tao ay hindi lehitimong mamamayan?

H. Paglalahat ng Aralin (Generalization)

Anu-ano ang mga batayan ng pagiging isang mamamayang Pilipino?

V. PAGTATAYA NG ARALIN

I. Tukuyin kung ang pahayag ay tama o mali. Isulat ang sagot sa patlang bago ang numero.

_____ 1. Ang lahat ng naninirahan sa Pilipinas ay awtomatikong mamamayang Pilipino.

_____ 2. Ang isang dayuhan na nanirahan sa Pilipinas ng sampung taon ay maaaring mag-aplay para sa naturalisasyon.

	<p>_____ 3. Ang isang anak na ipinanganak sa ibang bansa sa mga magulang na Pilipino ay itinuturing na Pilipino.</p> <p>_____ 4. Ang isang Pilipino na nagpakasal sa dayuhan ay nawawalan ng kanyang pagkamamamayang Pilipino.</p> <p>_____ 5. Ang pagkamamamayang Pilipino ay maaari lamang makuha sa pamamagitan ng kapanganakan.</p> <p>II. Piliin ang tamang sagot at isulat sa patlang bago ang numero.</p> <p>_____ 1. Ang pagkamamamayang nakukuha ayon sa pagkamamamayan ng magulang ay tinatawag na _____. a. Jus Sanguinis b. Jus Soli c. Naturalisasyon</p> <p>_____ 2. Ang mga dating Pilipino na naging mamamayan ng ibang bansa ay maaaring muling maging Pilipino sa ilalim ng _____. a. Republic Act No. 9225 b. Artikulo IV c. Saligang Batas ng 1987</p> <p>_____ 3. Ang proseso ng pagtanggap sa isang dayuhan bilang Pilipino ay tinatawag na _____. a. Jus Soli b. Jus Sanguinis c. Naturalisasyon</p> <p>_____ 4. Ang isang anak ng Pilipino na ipinanganak sa Amerika ay itinuturing na mamamayang Pilipino dahil sa prinsipyong _____. a. Jus Soli b. Jus Sanguinis c. Citizenship Law</p> <p>_____ 5. Ang isang dayuhan na nais maging Pilipino ay kailangang manirahan sa Pilipinas nang tuloy-tuloy sa loob ng _____ taon bago mag-apply para sa naturalisasyon. a. 5 b. 7 c. 10</p>
VI. KARAGDAGANG GAWAIN PARA SA TAKDANG ARALIN	Magsaliksik ng isang sikat na personalidad na naging mamamayang Pilipino. Isulat ang kanyang pangalan at ibahagi kung paano siya naging isang Pilipino.

Inihanda ni: Hannah Faye A. Casquite